



Red Yam




Hemia Meri, hemia Liseng. Tufala i fren.

[1]




Hemia Ros, mo hemia Yokon. Tufala tu i fren blong Meri mo Liseng.

[2]




Olgeta wuman oli go blong wok long garen.

[3]




Everi wan i stap wok long garen nao.

[4]




Oli wok gogo, afta oli sidaon blong spel.

[5]




Oli spel gogo, stap kaka, ale Yokon i go long bus.

[6]




Ale, Ros tu hemi go long bus.

[7]




Spel gogo, ale Meri wetem Liseng tufala i go bak long garen.


[8]




Be taem tufala i kam bak, tufala i luk se wan red yam we Meri hemi bin plantem, hemi lus.
[9]




Meri hemi askem Liseng: “Huia i kakae red yam blong mi?”
[10]




Liseng hemi se: “Maet Yokon i kakae, o maet i Ros.”
[11]




Be Meri hemi se: “No, i no save i Ros. I mas Yokon nomo hemi bin kakae red yam blong mi.”
[12]



Ale Liseng hemi se: "Bae yu lukluk tut blong Yokon."
[13]




Hemi se: "Sapos tut blong hem i redred, ale Yokon nomo hemi bin kakae red yam blong yu."
[14]




Ale Meri hemi go long Yokon, hemi kros long hem.

[15]




Meri hemi se long Yokon: “Yu kaka red yam blong mi!”

[16]




Afta we Meri hemi talem olsem, Ros hemi stat blong laf.

[17]



Liseng hemi poentem Ros hemi se: “Yu luk, tut blong Ros i red!”

[18]



Ale Liseng hemi se: “Yokon hemi no bin kakae red yam blong yu, Meri! Ros nomo hemi spoilem yu!”
[19]
